



## Ce bon pan



Idiom: Gherdëina  
Meludia: Fritz Senoner  
Paroles: Fritz Senoner

L d'instà ie passà, i dis vën plu curc,  
nsci fovela bele zacan,  
I paur flelova la blava,  
se ncunfertova sun si bon pan.

Sce l'autonn ie bon, po' iel mo tan bel,  
iló pudovi pa inò n pue' paussé,  
la farina fova majeneda  
y njenieda dal muliné.

Ref. Ce bon pan, chël da zacan,  
i messova s'l fé, ma i l ova dut l ann.  
Ce bon pan, chël da zacan,  
i messova s'l fé, ma i l ova dut l ann.

L diguei te tublà,  
I ciamp ie brascià,  
sën fovel mé da aspité,  
che l fey inò na bela nëif,  
fën da mont fova mo da mené.

Te stala univel jit y chël uni di,  
i messova cialé dl bestiam,  
la lënia fova njenieda ca,  
n pudova scumencé a fé pan.

Ref. Ce bon pan, chël da zacan,  
i messova s'l fé, ma i l ova dut l ann.  
Ce bon pan, chël da zacan,  
i messova s'l fé, ma i l ova dut l ann.  
Ce bon pan, chël da zacan,  
i messova s'l fé, ma i l ova dut l ann.  
Ce bon pan, chël da zacan,  
i messova s'l fé, ma i l ova dut l ann.